

六卷

孝文帝

十一

孝景帝

十二


孝武帝

史記

卷十之二

本紀十之二

三十四



孝文本紀第十

孝文皇帝

漢書音義曰諱恒

高祖中子也

高祖

史記漢書

陳豨軍定代地立為代王都中都

正義曰括地志云中都故城在汾州平遙

縣西南十二里素屬太原郡也

太后薄氏子即位十七年高后八年七

月高后崩九月諸呂呂產等欲為亂以危劉氏大臣共

誅之謀召立代王事在呂后語中丞相陳平太尉周勃

等使人迎代王代王問左右郎中令張武等張武等議

曰漢大臣皆故高帝時大將習兵多謀詐此其屬意非

止此也特畏高帝吕太后威耳今已誅諸呂新建血京

師也羊傳曰京大帥也天子之居必以衆大之辭言

業皆言業血無盟軟事廣此以迎大主為名實不可信

願大王稱疾毋往以觀其變中尉宋昌進曰索隱曰東

揚傳宋義後有宋昌又群臣之議皆非也夫秦失其政

諸侯豪桀並起人人自以為得之者以萬數然卒踐天

子之位者劉氏也天下絕望一矣高帝封王子弟地犬

牙相制索隱曰言封子弟境上交接也此所謂磐石之

宗也石此語見太公六韜天下服其疆二矣漢興除秦

苛政約法令施德惠人人自安難動搖三矣夫以呂太

后之嚴立諸呂為三王擅權專制然而太尉以一節入

北軍索隱曰即紀通一呼士皆左袒為劉氏叛諸呂卒

以滅之此乃天授非人力也今大臣雖欲為變自姓弗

為使其黨寧能專一邪方今內有朱虛東車之親外畏

孝文紀

吳楚淮南琅邪齊代之疆方今高帝子獨淮南王與大

王大王又長賢聖仁孝聞於天下故大臣因天下之心

而欲迎立大王大王勿疑也代王報太后計之猶與未

定卜之龜卦兆得大橫應劭曰以前占曰大橫庚庚余

為天王夏啓以光服虔曰庚橫貌也李奇曰庚其餘文

去諸侯而即帝位也先是五帝官天下老則禪賢王啓

始傳父爵乃能光治先君之基業文帝亦襲父迹言似

夏啓者也○索隱曰荀悅云大橫龜兆橫理也按庚猶

更言以諸侯更帝位也絲抽也所以抽出吉凶之情也

社預云絲兆辭也音肖漢書蓋寬饒云五帝官天下三

王家天下官以傳賢人家以傳子孫官猶公也謂不私

也代王曰寡人固已為王矣又何王卜人曰所謂天王

者乃天子於是代王乃遣大后弟薄昭往見絳侯絳侯

等具為昭言所以迎立王意薄昭還報曰信矣毋可疑

孔穎達曰  
此者龜之  
豐折錄  
者卜之文  
詞

者代王乃笑謂宋昌曰果如公言乃命宋昌參乘張武等六人乘傳詣長安至高陵休止正義曰括地志云高陵故城在雍州高陵縣西南一里本名橫橋架渭水上三輔舊事云秦於渭南有興宮渭北有成陽宮秦昭王欲通二宮之間造橫長橋三百八十步橋北京石水中舊有留神象此神魯與魯班語班令其出留曰我兒醜卿善圖物容不出班於是拱手與語曰出頭見我留乃出首班以脚畫地付留覺之便沒水故置其象於水上唯有署以上魏太祖馬見而驚而使宋昌先馳之長安觀變昌至渭橋蘇林命移下之而宋昌先馳之長安觀變昌至渭橋蘇林長安北三里○索隱曰三輔故事云成陽宮在渭北與樂宮在渭南秦昭王通兩宮之間作渭橋長三百八十步又關中記云石柱以北屬丞相以下皆迎宋昌還報

孝文紀

代王馳至渭橋羣臣拜謁稱臣代王下車拜大尉勃進曰願請問言索隱曰包愷音閑言欲向空閑與語顏師古云問容也猶言中間請容暇之頃當有所陳不欲即公論也宋昌曰所言公公言之所言私王者不受私

頃音頃

太尉乃跪上天子璽符代王謝曰至代邸而議之索隱曰

將軍陳武御史大夫張蒼宗正劉郢漢書百官表曰宗正秦官應劭曰周

再拜言曰子弘等皆非孝惠帝子不當奉宗廟臣謹請

與陰安侯蘇林曰高帝兄伯妻列侯頃王后徐廣曰代

之妻駟案蘇林曰仲子漢為吳王故追謚為頃王也如

為鄭侯又宗室表此時無陰安知其為頃王后也○索

隱曰按蘇林徐廣常昭以為二人封號而樂彥如厚以

頃王后別封陰安侯與漢祠令相會今以陰安是別人

封爵非也頃王后是代頃王后文帝之伯母代王降為

二千石議曰大王高帝長子宜為高帝嗣願大王即天

終信

子位代王曰奉高帝宗廟重事也寡人不佞不足以稱  
宗廟願請楚王計宜者蘇林曰楚王名交高帝弟○索隱曰交高帝弟最尊言更請楚  
王計宜者故下寡人不敢當群臣皆伏固請代王西鄉  
云皆為宜也讓者三南鄉讓者再如淳曰讓群臣也或曰賓主位東  
讓不受群臣猶稱宜且乃更丞相平等皆曰臣伏計之大  
迴坐示變即君位之漸也王奉高帝宗廟最宜稱雖天下諸侯萬民以為宜臣等  
為宗廟社稷計不敢忽願大王幸聽臣等臣謹奉天子  
璽符再拜上代王曰宗室將相王列侯以為莫宜寡人  
寡人不敢辭遂即天子位羣臣以禮次侍乃使太僕嬰  
與東牟侯興居清宮應劭曰舊典天子行幸所至必遣  
常○索隱曰按漢儀云皇奉天子法駕迎于代邸索隱  
帝起居索室清宮而後行

孝文紀

官儀云天子鹵簿有大駕法駕小駕大駕公卿奉引大  
將軍參乘屬車八十一乘法駕公卿不在鹵簿中惟京  
兆尹執金吾長安令奉引皇帝即日夕入未央宮乃夜  
拜宋昌為衛將軍鎮撫南北軍以張武為郎中令行殿  
中還坐前殿於是夜下詔書曰間者諸呂用事擅權謀  
為大逆欲以危劉氏宗廟賴將相列侯宗室大臣誅之  
皆伏其辜朕初即位其赦天下賜民爵一級女子百戶  
牛酒蘇林曰男賜爵女子賜牛酒○索隱曰按封禪書  
云百戶牛一頭酒十石樂彥云婦人無夫或無子  
不霑爵五日文穎曰漢律三人已上無故群飲罰金  
故賜之五日四兩今詔橫賜得令會聚飲食五日○  
索隱曰說文云酺王者布德大飲酒也出錢為釀出食  
為酺又按趙武靈王滅中山酺五日是其所起遠也  
孝文皇帝元年十月庚戌徙立故琅邪王澤為燕王辛  
亥皇帝即阼正義曰王謁高廟右丞相平正義曰此徙

為左丞相太尉勃為右丞相大將軍灌嬰為太尉諸呂  
所奪齊楚故地皆復與之壬子遣車騎將軍薄昭迎皇  
太后于代皇帝曰呂產自置為相國呂祿為上將軍擅  
矯遣灌將軍嬰將兵擊齊欲代劉氏嬰留滎陽弗擊與  
諸侯合謀以誅呂氏呂產欲為不善丞相陳平與太尉  
周勃謀奪呂產等軍朱虛侯劉章首先捕呂產等太尉  
身率襄平侯通持節承詔入北軍典客劉揭身奪趙王  
呂祿印益封太尉勃萬戶賜金五千斤丞相陳平灌將  
軍嬰邑各三千戶金二千斤朱虛侯劉章襄平侯通東  
牟侯劉興居邑各二千戶金千斤徐廣曰十一月辛丑封典客揭  
為陽信侯索隱曰韋昭云勃海縣○正義曰揭地志云  
陽信故城在滄州無棣縣東南三十里漢陽

孝文紀

信賜金千斤十二月上曰法者治之正也所以禁暴而  
率善人也今犯法已論而使母罪之父母妻子同產坐  
之及為收帑朕甚不取其議之有司皆曰民不能自治  
故為法以禁之相坐坐收所以累其心使重犯法所從  
來遠矣如故便上曰朕聞法正則民慙罪當則民從且  
夫牧民而導之善者吏也其既不能導又以不正之法  
罪之是反害於民為暴者也何以禁之朕未見其便其  
熟計之有司皆曰陛下加大惠德甚盛非臣等所及也  
請奉詔書除收帑諸相坐律令應劭曰帑子也秦法一  
人有罪并坐其家室今律此正月有司言曰蚤建太子所以尊宗廟請立太子  
上曰朕既不德上帝神明弗歆享天下人民未有讜志

索隱曰：嗾者，不滿之意也。未有嗾志，言天下皆志不滿也。漢書：嗾，作慝，音匿。今縱不能博求天下賢聖有德之人，而禪天下焉，而曰：「豫建太子，是重吾不德也。」謂天下何其安之也。索隱曰：言何以謂於天下也。徐徐且，有司曰：「豫建太子，所以重宗廟社稷，不忘天下也。」上曰：「楚王季父也，春秋高，閱天下之義理多矣。」如更歷也。明於國家之大體，吳王於朕兄也，惠仁以好德，淮南王弟也，秉德以陪朕。陪，輔也。豈為不豫哉？諸侯王宗室昆弟有功，臣多賢，及有德義者，若舉有德以陪朕之不能終，是社稷之靈，天下之福也。今不選舉焉，而曰：「必子人，其以朕為忘賢有德者，而專於子，非所以憂天下也。」朕甚不取也。有司皆固請曰：「古者殷周有國治

孝文紀

本无不字

子某通卷作子塔不類曰景帝名

安皆千餘歲。古之有天下者，莫不長焉。用此道也。索隱曰：古之有天下者，無長於立子，故云莫長焉。用此道者，用殷周立子之道，故安治千有餘歲也。立嗣必子，所從來遠矣。高帝親率士大夫始平天下，建諸侯為帝者，太祖諸侯王及列侯始受國者，皆亦為其國祖。子孫繼嗣，世世弗絕，天下之大義也。故高帝設之以撫海內，今釋宜建而更選於諸侯及宗室，非高帝之志也。更議不宜。索隱曰：言不子某最長，純厚慈仁，請建以為太子。上乃許之。因賜天下民當代父後者爵各一級。索隱曰：帝以立子為後，不欲獨饗其封將軍薄昭為軼侯。徐廣曰：正福，故賜天下為父後者爵。封將軍薄昭為軼侯。徐廣曰：正已也。三月，有司請立皇后。薄太后曰：「諸侯皆同姓，立太子母為皇后。」索隱曰：謂帝之子為諸侯王，皆同姓。故立太子母也。皇后



姓竇氏上為立后故賜天下鰥寡孤獨窮困及年八十已上孤兒九歲已下布帛米肉各有數上從代來初即位施德惠天下填撫諸侯四夷皆洽驩乃循從代來功臣上曰方大臣之誅諸呂迎朕朕狐疑皆止朕唯中尉宋昌勸朕朕以得保奉宗廟已尊昌為衛將軍其封昌為壯武侯徐廣曰四月辛亥封封三十四年景帝中四年奪侯國除○索隱曰常昭云膠東縣○正義曰括地志云壯武侯故城在萊州即墨縣西六十里古萊夷國有漢壯武縣故城諸從朕六人官皆至九卿正義曰漢置九卿一曰太常二曰光祿三曰宗正八曰大司農九曰少府是為九卿也上曰列侯從高帝入蜀漢中者六十八人皆益封各三百戶故吏二千石以上從高帝潁川守尊等十人食邑六百戶淮陽守申徒嘉等十人

呂后紀

五百戶衛尉定等十人四百戶封淮南王舅父趙兼為周陽侯正義曰括地志云周陽故城在絳州聞喜縣東二十九里齊王舅父駟鈞為清郭侯如淳曰邑名六國時齊有清郭君清音靜○索隱曰按表駟鈞封郭侯不同者蓋後徙封於郭鄒屬秋封故常山丞相蔡兼為樊侯索隱曰韋昭云樊在平縣名○正義曰括地志云漢樊縣城在兗州瑕丘西南二里或說右十五里地理志云樊縣古樊國仲山甫所封丞相曰君本誅諸呂迎代王今又矜其功受上賞處尊位禍且及身右丞相勃乃謝病免罷左丞相平專為丞相徐廣曰八月月中二年十月丞相平卒復以絳侯勃為丞相上曰朕聞古者諸侯建國千餘歲各守其地以時入貢民不勞苦上下驩欣靡有遺德今列侯多居長安邑遠吏卒給輸費

循下備

苦而列侯亦無由教訓其民正義曰訓其令列侯之國  
為吏及詔所止者遣太子張晏曰為吏謂以卿大夫為兼官者詔所止特以恩愛見  
留十一月晦日有食之正義曰按說文云日蝕則朔月蝕則望而云晦日蝕之恐曆錯  
誤十二月望日又食徐廣曰此云望日又食案漢書及五行志無此日蝕文也一本作月  
不紀然史書上曰朕聞之天生蒸民為之置君以養治之  
人主不德布政不均則天示之以眚以誠不治乃十一  
月晦日有食之適見于天當執大焉朕獲保宗廟以微  
眇之身託于兆民君王之上天下治亂在朕一人唯二  
三執政猶吾股肱也朕下不能理育羣生上以累三光  
之明其不德大矣令至其悉思朕之過失及知見思之  
所不及白以告朕及舉賢良方正能直言極諫者以匡

孝文紀

朕之不逮因各飭其任職務省繇費以便民朕既不能  
遠德故憫然念外人之有非漢書音義曰憫然猶介然非意餘說皆疎憫音下板反也非姦非也○索隱曰蘇  
罷邊屯戍而又飭兵厚衛其罷衛將軍軍太僕見馬遺  
財足索隱曰遺猶留也財字與纔同言餘皆以給置傳  
索隱曰按廣雅云置驛也續漢書云驛馬三十里一置  
故樂彥亦云傳置一也言乘傳者以傳次受名乘置者  
以馬取匹傳音丁戀反如淳云律四馬高足為傳置四  
馬中足為馳置下足為乘置一馬二馬為輕置急乘一  
馬曰乘也正月上曰農天下之本其開籍由應劭曰古者天  
為天下先籍者帝王典籍之常幸昭曰籍借也借民力  
以治之以奉宗廟且以勸率天下使務農也漢景帝  
詔曰朕親耕后親桑為天下先本以躬朕親率耕以給  
宗廟菜盛應劭曰黍稷曰盛三月有司請立皇子為諸侯

王上曰趙幽王幽死朕甚憐之已立其長子遂為趙主  
遂弟辟彊及齊悼惠王子朱虛侯章東牟侯興居有功  
可王乃立趙幽王少子辟彊為河間王以齊劇郡立朱  
虛侯為城陽王立東牟侯為濟北王皇子武為代王子  
參為太原王子揖為梁王上曰古之治天下朝有進善  
之旌應劭曰旌幡也堯設之五達之道令民進善也如淳曰欲有進善者立於旌下言之誹謗之  
木服虔曰堯作之橋梁交午在頭應劭曰橋梁邊板所以書政治之愆失也至秦去之今乃復施也○索隱曰按尸子云堯立誹謗之木誹音非亦音沸常昭云憲政有闕失使書於木此堯時然也後代因以為飾今宮外橋梁頭四柱木是鄭玄註禮云一縱一橫為午謂以木貫表柱四出即今之華表崔浩以為木貫柱四出名桓陳楚俗桓聲近和又云所以通治道而來諫者今法和表則華與和又相訛也所以通治道而來諫者今法  
有誹謗妖言之罪是使眾臣不敢盡情而上無由聞過

孝文紀

失也將何以來遠方之賢良其餘之民或祝詛上以相  
約結而後相謾漢書音義曰民相結共祝詛上也謾者韋昭云謾相抵闕也說文云謾欺也謂初相約共行祝後相欺誑中道而止之也更以為大逆  
其有他言而吏又以為誹謗此細民之愚無知抵死朕  
甚不取自今以來有犯此者勿聽治九月初與郡國守  
相為銅虎符竹使符應劭曰銅虎符第一至第五國家聽受之竹使符皆以竹箭五枚長五寸鐫刻篆書第一至第五張晏曰符以代古之珪璋從簡易也○索隱曰漢書儀銅虎符發兵長六寸竹使符出入徵發說文云符分而合之小顏云右留京師左與之古今註云銅虎符銀錯書之張晏云取其同心也  
三年十月丁酉晦日有食之十一月上曰前日許遣列  
侯之國或辭未行丞相朕之所重其為朕率列侯之國

絳侯勃免丞相就國以太尉潁陰侯嬰為丞相罷太尉  
官屬丞相四月城陽王章薨淮南王長與從者魏敬殺  
辟陽侯審食其五月匈奴入北地居河南為寇帝初幸  
甘泉蘇苞曰天子車駕所至民臣以為僥倖故曰幸至  
帶民爵有級數或賜田租之半故因是謂之幸○索隱  
曰應劭云甘泉宮名在雲陽一名林光臣瓚云甘泉山  
名林光秦離宮名又顧氏按邢承宗西征賦註云甘  
泉水名今按因地有甘泉以名山則山水皆通也六  
月帝曰漢與匈奴約為昆弟毋使害邊境所以輸遺匈  
奴甚厚今右賢王離其國將眾居河南降地非常故往  
來近塞捕殺吏卒驅保塞蠻夷令不得居其故陵轢邊  
吏入盜甚敖無道非約也其發邊吏騎八萬五千詣高  
奴遣丞相潁陰侯灌嬰擊匈奴匈奴去發中尉漢書百

孝文紀

中尉材官屬衛將軍軍長安辛卯帝自甘泉之高奴因  
秦太原見故羣臣皆賜之舉功行賞諸民里賜牛酒復  
晉陽中都民正義曰故成在汾州三歲留游太原十餘  
日濟北王興居聞帝之代欲往擊胡乃反發兵欲襲滎  
陽於是詔罷丞相兵遣棘蒲侯陳武為大將軍將十萬  
往擊之祁侯賀徐廣曰姓繒以文帝十一年卒諡曰敬  
○索隱曰漢書音義祁音遲策姓繒繒  
古國夏同姓也○正義曰括地志為將軍軍滎陽七月  
辛亥帝自太原至長安廼詔有司曰濟北王背德反上  
誑誤吏民為大逆濟北吏民兵未至先自定及以軍地  
邑降者皆赦之復官爵與王興居去來亦赦之徐廣曰  
來也朝案張晏曰雖始八月破濟北軍虜其王赦濟北  
與興居反今降赦之

諸吏民與王反者

六年有司言淮南王長廢先帝法不聽天子詔居處毋

度出入擬於天子擅為法令與棘蒲侯太子竒謀反遣

人使閩越及匈奴發其兵欲以危宗廟社稷羣臣議皆

曰長當奔市帝不忍致法於王赦其罪廢勿王群臣請

處王蜀嚴道徐廣曰漢書本或作却字或直云邛都楚邛都乃本西南夷爾時未通嚴

道有邛越山正義曰邛其恭反格志云嚴道今為

縣即邛州所理縣也縣有蠻夷曰道故曰嚴道邛都縣

本都國漢為縣今雋州也西南夷傳云滇池以比君長

以十數邛都最大是也按群臣請處淮南王長蜀之嚴

道不爾更遠邛都西有邛越山也又云邛越山在雅

州榮經縣界榮經武德年間置本秦嚴地華陽國志云

邛越山故邛人稱人界也山巖峭峻曲回九折乃至上

下有凝冰按即王尊登者也今從九折西南行至雋州

山多雨少晴俗呼名為漏天

帝許之長未到處所行病死上憐之後

孝文紀

十六年追尊淮南王長謚為厲王立其子三人為淮南

王索隱曰名安衡山王索隱曰名勃廬江王索隱曰名

也阜陵侯也十三年夏上曰蓋聞天道禍自怨起而福繇德興百

官之非宜由朕躬今祕祝之官移過于下應劭曰祕祝

下國家諱之故曰祕以彰吾之不德朕甚不取其除之五月齊太

倉令淳于公有罪當刑索隱曰名意為齊太詔獄逮徙

繫長安大倉公無男有女五人太倉公將行會逮罵其

女曰生子不生男有緩急非有益也其少女緹縈索隱

音帝鄭氏自傷泣乃隨其父至長安上書曰妾父為吏

齊中皆稱其廉平今坐法當刑妾傷夫死者不可復生刑者不可復屬雖復欲改過自新其道無由也妾願沒

入為官婢贖父刑罪使得自新書奏天子天子憐悲其  
意乃下詔曰蓋聞有虞氏之時畫衣冠異章服以為修  
正義曰晉書刑法志云三皇設言而民不違五帝畫衣冠而民知禁犯禁者卑其巾犯刑者冊其服犯贖者墨其體犯宮者雜其履大辟之罪殊刑之極而民不犯何布其衣冠而無顏緣投之於市與衆棄之則至治也今法有肉刑三李奇曰約法三章無肉刑文帝則有肉刑孟康曰黥劓二  
左右趾合一凡三○索隱曰常昭云斷趾黥劓之屬律法漢律序云文帝除肉刑而宮不易張斐註云以淫亂不疾類故而姦不止其咎安在朕德薄而教不明歟吾甚自愧故夫馴道不純而愚民陷焉詩曰愷悌君子民之父母今人有過教未施而刑加焉或欲改行爲善而道毋由也朕甚憐之夫刑至斷支體刻肌膚終身不息何其楚痛而不德也豈播爲民父母之意哉其除

孝文紀

肉刑上曰農天下之本務莫大焉今勤身從事而有租

稅之賦是為本末者毋以異李奇曰本農也末賈也言農與賈俱出租無異也故

除田租田其於勸農之道未備其除田之租稅

十四年冬匈奴謀入邊為寇攻朝那塞殺北地都尉卬

徐廣曰姓孫封其子上乃遣三將軍軍隴西北地上郡

中尉周舍為衛將軍郎中令張武為車騎將軍軍渭北

車千乘騎卒十萬帝親自勞軍勸兵申教令賜軍吏卒

帝欲自將擊匈奴群臣諫皆不聽皇太后固要帝如車

不得自帝乃止於是東陽侯張相如為大將軍成侯

赤徐廣曰姓董也為內史藥布為將軍擊匈奴匈奴遁走春上

曰朕獲執犧牲珪幣以事上帝宗廟十四年于今歷日

義曰赤音赫

縣長以不敏不明而又撫臨天下朕甚自愧其廣增諸  
 祀壇場珪幣昔先王遠施不求其報望祀不祈其福右  
 賢左戚常昭曰右猶高左猶下也先民後已至明之  
 極也今吾聞祠官祝釐如淳曰釐福也賈誼傳受釐皆坐宣室歸福朕躬不為百姓朕甚愧之夫以朕不德而躬享獨  
 美其福百姓不與焉是重吾不德其令祠官致敬毋有  
 所祈是時北平侯張蒼為丞相方明律歷魯人公孫臣  
 上書陳終始傳五德事索隱曰五行之德帝王相承傳易終而復始故云終始傳五德  
 言方今土德時土德應黃龍見當改正朔服色  
 制度天子下其事與丞相議丞相推以為今水德始明  
 正十月上黑事以為其言非是請罷之

孝文紀

十五年黃龍見成紀章昭曰成紀縣屬天水天子乃復召魯公孫

臣以為博士申明土德事於是上乃下詔曰有異物之

神見于成紀無害於民歲以有年朕親郊祀上帝諸神

禮官議毋諱以勞朕漢書音義曰言無所諱勿以朕為勞有司禮官皆曰

古者天子夏躬親禮祀上帝於郊故曰郊於是天子始

幸雍郊見五帝以孟夏四月荅禮焉趙人新垣平以望

氣見因說上設立渭陽五廟章昭曰在渭城欲出周鼎當有玉

英見瑞應圖云玉英五常並修則見

十六年上親郊見渭陽五帝廟亦以夏荅禮而尚赤

十七年得玉杯應劭曰新垣平詭令人獻之刻曰人主延壽於是天

子始更為元年索隱曰秦本紀惠文王十四年更為元年又汲冢竹書魏惠王亦有後元當取

法於此又按封禪書以新令天下大酺其歲新垣平事  
 距平侯日册中故改元也  
 覺夷三族後二年上曰朕既不明不能遠德是以使方  
 外之國或不寧息夫四荒之外不安其生索隱曰顧胤按爾雅孤竹謂之四荒也封畿之內勤勞不處二者之咎皆自於  
 朕之德薄而不能遠達也間者累年匈奴並暴邊境多  
 殺吏民邊臣兵吏又不能諭吾內志以重吾不德也夫  
 又結難連兵中外之國將何以自寧今朕夙興夜寐勤  
 勞天下憂苦萬民為之怛傷不安未嘗一日忘於心故  
 遣使者冠蓋相望結軼於道軼音轍幸帛曰使車往還故軼如結也相如曰結軼  
 單于今單于反古之道計社稷之安便萬民之利親與

孝文紀

朕俱棄細過偕之大道結兄弟之義以全天下元元之  
 民索隱曰戰國策云制海內子元元非兵不可高誘註云元元善也又按姚察云古者謂人云善人也因善為元故云黎元其言元元者非一人也顧野王云元元猶唱唱可足愛貌未安其說聊記異也和親已  
 定始于今年後六年冬匈奴三萬人入上郡三萬人入  
 雲中以中大夫令勉徐廣曰衛尉改名也駟案漢書百官表景帝初改衛尉為中大夫令  
 非此年也索隱曰中大夫令是官号勉其名後此官改為光祿勳虞世南以此稱中大夫令是史家追書耳  
 顏遊素以令是姓勉是名為中大為車騎將軍軍飛狐  
 夫據風俗通令姓令尹子文之後為車騎將軍軍飛狐  
 如淳曰在代郡故楚相蘇意為將軍軍句注應劭曰山險名也  
 蘇林曰在上黨故楚相蘇意為將軍軍句注應劭曰山險名也  
 門陰館索隱曰伏儼將軍張武屯北地河內守周亞  
 句音俱包懼音鈞也  
 夫為將軍居細柳徐廣曰在長安西駟案如淳曰長安在直城門外阿房宮西北維又匈奴傳云細柳在長安



平義曰漢法一斤為一金，三斤為錢，之百全直千貫。

孝文紀

西如津云在渭北非也。宗正劉禮為將軍居霸上祝茲侯。徐黃曰表作松茲侯姓軍棘門。徐黃曰在渭北朝案孟康曰在長安北徐名悒秦時宮門也如淳曰三輔黃圖棘門在橫門外以備胡數月胡人去亦罷天下旱蝗帝加惠令諸侯毋入貢弛山澤。韋昭曰弛廢發其常禁以利民減諸服御狗馬損郎吏貲發倉庾。應劭曰水漕倉曰庾胡公曰在邑曰倉在野曰庾○索隱曰郭璞註云倉云庾倉無屋也胡公名廣後漢大尉作漢官解詁也以振貧民民得賣爵。索隱曰崔浩云富人欲爵故聽買賣。孝文帝從代來即位二十三年宮室苑囿狗馬服御無所增益有不便輒弛以利民嘗欲作露臺。曰露一作靈○索隱曰顧氏按新豐南驪山上猶有臺之舊趾也召匠計之直百金上曰百金中民十家之產吾奉先帝宮室常恐羞之何以臺為上常衣綈衣。如淳曰賈誼所幸慎夫人令衣不得云身衣阜綈

朝凡倉無屋曰庾

物字上或有為字

曳地帟帳不得文繡以示敦朴為天下先治霸陵皆以瓦器不得以金銀銅錫為飾不治墳欲為省毋煩民南越主尉佗自立為武帝然上召貴尉佗兄弟以德報之佗遂去帝稱臣與匈奴和親匈奴背約入盜然令邊備守不發兵深入惡煩苦百姓吳王詐病不朝就賜几杖群臣如袁盎等稱說雖切常假借用之。蘇林曰假音休假借音以物借羣臣如張武等受賂遺金錢覺上乃發御府金錢賜之以愧其心弗下吏專務以德化民是以海內殷富興於禮義後七年六月己亥帝崩於未央宮。徐廣曰四年遺詔曰朕聞蓋天下萬物之萌生靡不有死死而天地之理物之自然者奚可甚哀當今之時世咸嘉生而惡死

厚葬以破業重服以傷生吾甚不取且朕既不德無以  
佐百姓今崩又使重服久臨以離寒暑之數哀人之父  
子傷長幼之志損其飲食絕鬼神之祭祀以重吾不德  
也謂天下何朕獲保宗廟以眇眇之身託于天下君主  
之上二十有餘年矣賴天地之靈社稷之福方內安寧  
漢曰方四方也內靡有兵革徐廣曰一云方內安兵革息朕既不敏  
常畏過行以羞先帝之遺德維年之久長懼于不終今  
乃幸以天年得復供養于高廟朕之不明與嘉之如淳曰與  
發聲也得卒其奚哀悲之有其令天下吏民令到出臨  
天年已善矣  
三日皆釋服毋禁取婦嫁女祠祀飲酒食肉者自當給  
喪事服臨者皆無踐履曰踐日踐踐也晉灼曰漢語作踐從

孝文紀

既也○索隱曰漢語是書名荀爽所作也經帶無過三寸毋布車及兵器應  
日無以布衣車及兵器也毋發人男女哭臨宮殿宮殿中  
當臨者皆以旦夕各十五舉聲禮畢罷非旦夕臨時禁  
毋得擅哭已下服大紅十五日小紅十四日織七日釋  
服服度曰當言大功小功布也織細布衣也應劭曰紅者中祥大祥以紅為領緣也織者禫也凡三十六日而釋服○索隱曰已下謂極已下於壙劉德云紅功也男功非一故以工力為字而女工唯在於絲故以系工為字三十日也他不在令中者皆以此令比率從事布  
告天下使明知朕意霸陵山川因其故應劭曰因山為藏不復起墳山  
下川流不遏絕也就其水名以為陵號○索隱曰霸是水名水徑於山亦曰霸山即並陽地也毋有所  
改歸夫人以下至少使應劭曰夫人以下有美人良人八子七子長使少使凡七輩皆  
遣歸家重絕人類也令中尉亞夫為車騎將軍屬國悍徐廣曰姓

書百官表典屬國為將屯將軍李奇曰馮奉世為右將軍以將屯將軍為名此  
 監主諸郎中令武為復土將軍如淳曰主穿墳填瘞瘞事者○索隱曰復音伏謂  
 穿墳出土下指已而填之即以為墳故云復土復反還也又音福發近縣見卒萬六千  
 人發內史卒萬五千人索隱曰百官表云內史掌理京師之官景帝更名京兆尹藏  
 郭穿復土屬將軍武乙巳漢書云乙巳葬皇甫謐羣臣  
 皆頓首上尊號曰孝文皇帝太子即位于高廟丁未襲  
 號曰皇帝孝景皇帝元年十月制詔御史蓋聞古者祖  
 有功而宗有德應劭曰始取天下者為祖高帝稱高祖是也始治天下者為宗文帝稱太宗是也  
 制禮樂各有由聞歌者所以發德也舞者所以明功  
 也高廟酎張晏曰正月旦作酒八月成名曰酎酎之言金助祭所絕也至武帝時因八月嘗酎會諸侯廟中出謂酎金也奏武德文始五行之舞孟康曰武德高祖所  
 孝文紀

行周舞也武德者其舞人執干戚文始舞執羽籥五行  
 舞冠冕服法五行色見禮樂志○索隱曰應劭云禮樂  
 未文始舞本舜韶舞高祖更名文始示不相襲五行舞  
 本周武舞奏始皇更名五行舞按今言秦武德文始五  
 行之舞者其樂惣象武王樂言高祖以武定天下既示  
 不相襲其作樂之始先奏文始以羽籥衣文繡君先  
 即奏五行五行即武舞執干戚而衣有五行之色也  
 孝文皇帝臨天下通關梁不異遠方張晏曰孝文十二年除關不用傳令  
 若一除誅謗去肉刑賞賜長老收恤孤獨以育羣生減  
 嗜欲不受獻徐廣曰減一作減不私其利也罪人不帑蘇林曰刑不及  
 不誅無罪除肉刑出美人重絕人之世朕既不敏不  
 能識此皆上古之所不及而孝文皇帝親行之德厚侔  
 天地李奇曰利澤施四海靡不獲福焉明象乎日月而  
 廟樂不稱朕甚懼焉其為孝文皇帝廟為昭德之舞

曰景帝采高祖武德舞作昭德舞舞之於文帝廟見禮樂志以明休德然後祖宗之功德著於竹帛施於萬世永永無窮朕甚嘉之其與丞相列侯中二千石禮官具為禮儀奏丞相臣嘉等言陛下永思孝道立昭德之舞以明孝文皇帝之盛德皆臣嘉等愚所不及臣謹議世功莫大於高皇帝德莫盛於孝文皇帝高皇廟宜為帝者太祖之廟孝文皇帝廟宜為帝者太宗之廟天子宜世世獻祖宗之廟郡國諸侯宜各為孝文皇帝立太宗之廟諸侯王列侯使者侍祠天子歲獻祖宗之廟張晏曰王及列侯歲時遣使詣京師侍祠助祭也如淳曰若光武廟在章陵南陽太守稱使者往祭是也不使侯王祭者諸侯不得祖天子也凡臨祭祀宗廟皆為侍祭請著之竹帛宣布天下制曰可

孝文紀

太史公曰孔子言必世然後仁孔安國曰三十年曰世年仁政乃成善人之治國百年亦可以勝殘去殺王肅曰勝殘暴之人使不為惡去殺不用殺也誠哉是言漢興至孝文四十有餘載德至盛也廩廩鄉改正服封禪矣謙讓未成於今嗚呼豈不

仁哉

索隱述贊曰

孝文在代

北遇大橫

宋昌建策

絳侯奉迎

南面而讓

天下歸誠

務農先籍

布德偃兵

除帑削謗

政簡刑清

緜衣率俗

露臺不營

法寬張武

獄恤緹紫

霸陵如故

千年頌聲

孝文本紀第十

史記十

孝文紀

孝景本紀第十一

史記十一

孝景皇帝者

漢書音義曰諱啓。曰謚法曰繇義而濟曰景。

孝文之中子也

母竇太后孝文在代時前后有三男及竇太后得幸前

后死及三子更死故孝景得立

元年四月乙卯赦天下乙巳賜民爵一級五月除田半

租為孝文立太宗廟令羣臣無朝賀匈奴入代與約和

親

二年春封故相國蕭何孫係為武陵侯

徐廣曰漢書亦作係鄒誕生本

傳索隱曰音附荀悅云傳正卒也小男子二十而得

后崩索隱曰薄后也葬廣川長沙王皆之國索隱曰廣

並陽西曰少陵也廣川長沙王皆之國索隱曰廣

長沙王發音景丞相申屠嘉卒八月呂御史大夫開封

侯陶青為丞相彗星出東北秋衡山雨電正義曰雨大

者五寸深者二尺熒惑逆行守北辰月出北辰間歲星

逆行天廷中置南陵及內史殺羽為縣徐廣曰地理志

案地理志百官表南陵縣文帝置也分內史為左右

丁居反羽音羽又音詡三年正月乙巳赦天下長星出西方天火徐廣曰燔雅

陽東宮大毀城室徐廣曰雒一作淮○索隱曰漢書吳

王濞正義曰音披備反高祖兄仲子故漢高祖十三

王戊正義曰高祖弟楚王交趙王遂正義曰高祖孫

年及都膠西王卬正義曰卬五郎反高祖孫齊悼惠王

孝景紀

濟南王辟光正義曰辟音壁高祖孫齊悼惠王子故

在淄川長山縣菑川王賢正義曰高祖孫齊悼惠王子

西北三十里故劇城在青膠東王雄渠正義曰

齊悼惠王子故自石侯五十年反都即墨括地志云

即墨故城在密州膠水縣東南六十里即膠東國也

反發兵西鄉天子為誅晁錯遣袁盎諭告不止遂西圍

梁正義曰梁孝王上乃遣大將軍竇嬰太尉周亞夫將

兵誅之六月乙亥赦亡軍及楚元王子藝等正義曰藝

亦作藝與謀反者封大將軍竇嬰為魏其侯正義曰魏

其屬立楚元王子平陸侯正義曰平陸西河縣立皇子端為膠西王子勝

禮即向之從魯祖王父也立皇子端為膠西王子勝

自下白

菑川王淮陽王餘正義曰淮陽國今陳州為魯王正義曰今兗州曲阜縣汝

南王非正義曰汝南國今豫州為江都王正義曰江都國今揚州

帝改為江都國封皇子非也齊王將廬正義曰齊國青州臨淄也

年表云燕王嘉皆薨徐廣曰表云五年薨○索隱曰廬悼子漢書作問嘉

澤之子也

四年夏立太子立皇子徹為膠東王六月甲戌赦天下

後九月更以弋陽為陽陵正義曰柘地志云漢景帝陵在雍州咸陽縣東三十里

按社作復置津關用傳出入無用傳至此復置傳以七

國新反備非常也張晏曰傳信也若今過所也如淳曰傳音微傳而傳兩行書繒帛分持其一出入關合之乃

得過謂之傳○索隱曰景帝豫作壽陵也按趙系家

五年三月作陽陵趙蕭侯十五年起壽陵後代因之也

孝景紀

渭橋五月募徙陽陵予錢二十萬江都大暴風從西方

來壞城十二文丁卯封長公主子嬌為隆慮侯索隱曰音林問

避殤帝諱改之徙廣川王為趙王

六年春封中尉趙綰為建陵侯正義曰柘地志云建陵故縣在所州承縣界

江都丞相嘉徐廣曰姓程為建平侯隴西太守渾邪為平曲

侯正義曰柘地志云平曲縣故城在瀛州文安縣北七十里趙丞相嘉徐廣曰姓蘇為江

陵侯故將軍布為郿侯梁楚二王皆薨後九月伐馳道

樹殖蘭池徐廣曰殖一作填○正義曰按馳道天子秦始皇作之丈而樹

七年冬廢栗太子為臨江王正義曰臨江忠州縣雖王臨江而都江陵十二

月晦日有食之春免徒隸作陽陵者丞相青免二月乙

巳以太尉條侯正義曰條田彫反字亦作條音同周亞夫為丞相四月

嘉或下喜

乙巳立膠東王太后為皇后索隱曰按系家太后掘里人父仲兄信封蓋侯后故弟姁兒也丁巳立膠東王為太子名徽索隱曰徐廣曰一作應○索隱曰荀周昌之兄

中元年封故御史大夫周苛孫平徐廣曰一作應○索隱曰荀周昌之兄為繩侯故御史大夫周昌子左車為安陽侯四月乙巳

赦天下賜爵一級除禁錮地動衡山原都雨電大者尺八寸

中二年二月匈奴入燕遂不和親三月召臨江王來即死中尉府中夏立皇子越為廣川王子寄為膠東王封

四侯文頴曰楚相張尚大傳趙爽吾趙相建德內史王惲此四人各諫其王無使反不聽皆殺之故封其子○索隱曰韋昭云張尚子當居九月甲戌日食

趙東吾子周建德子橫王捍子弄

中三年冬罷諸侯御史中丞春匈奴王二人率其徒來

孝景紀

降皆封為列侯正義曰漢書表云中三年安陵侯子軍桓侯賜遺侯陸疆容城侯徐憲易侯僕

方乘為清河王三月彗星出西北丞相周亞夫死以御史大夫挑侯劉舍為丞相四月地動九月戊戌晦日食

軍東都門外按三輔黃圖東出北第一門曰宣平門外曰東都門○索隱註同

中四年三月置德陽宮黃曰是景帝廟也帝自作之諱不言廟故言宮西京故事云景帝廟為大蝗秋赦徒作陽陵者

中五年夏立皇子舜為常山王封十侯正義曰惠景間年表云亞王侯

赦天下賜爵一級天下大潦更命諸侯丞相曰相秋地

盧他之龍盧侯陳留焉乘氏侯劉異桓邑侯劉明蓋侯王信按其五人是中元五年封餘檢不獲中元三年匈奴王二入降封為列侯惠景間表云匈奴王降為侯者有七人疑其五人是十侯之數



動

中六年二月己卯行幸雍郊見五帝三月雨電四月梁

孝王正義曰都睢陽今宋州城陽共王正義曰城陽今僕州雷澤縣古城陽也共音恭謚法

嚴敬故汝南王皆薨立梁孝王子明為濟川王正義曰表云分

也梁置子彭離為濟東王正義曰表云分梁置也子定為山陽王正義

日地理志云景帝中六年別為山陽國屬兗州志云景帝中子不識為濟陰王

六年別為濟陰國屬兗州案今曹州是也梁分為五封四侯更命廷尉為大

理將作少府為將作大匠主爵中尉為都尉漢書百官表曰主爵

中尉秦官掌列侯長信詹事漢書百官表曰詹事秦官掌皇太后

茂陵書詹事為長信少府張晏曰以大后所居宮為名

秩二千石宮則曰長將行為大長秋漢書百官表曰長秋皇后卿大行

孝景紀

為行人服虔曰天子死未有謚稱大行晉灼曰禮有大

也董日大行是官名掌九儀之制以賓諸侯○索隱曰

鄭玄云命者五謂公侯伯子男爵者四孤卿大夫士是

也九奉常為太常漢書百官表曰奉常典客為大行索隱

昭云大行官名秦時云典客景帝初改云大行後更名

大鴻臚武帝因而不改故漢書景紀有大鴻臚百官表

又云武帝改名大鴻臚臚附也以言其掌四夷賓客若

皮臚之在外附於身也復有大行令故諸侯薨大鴻臚

奏謚列侯薨則大行奏謚按治粟內史為大農漢書百

官掌穀貨也以大內為二千石韋昭曰大內置左右內

官屬大內索隱曰主天子之私財曰七月辛亥日食八

月匈奴入上郡後元年冬更命中大夫為衛尉正義曰漢書百官表云

屯兵景帝初更名中大夫三月丁酉赦天下賜爵一級中

二千石諸侯相爵右庶長四月大酺五月丙戌徐廣曰丙一作

地動其蚤食時復動上庸地動二十二日壞城垣七

月乙巳日食丞相劉舍免八月壬辰以御史大夫綰為

丞相封為建陵侯索隱曰姓衛

後二年正月地一日三動郵將軍正義曰郵真栗反郵

射不中擊匈奴酺五日令內史郡不得食馬粟没入縣

官令徒隸衣七緡布正義曰衣於既反緡祖工反緡

六十止馬春索隱曰止人為馬為歲不登禁天下食不

造歲省列侯遣之國晉灼曰文紀遣列三月匈奴入鴈

門十月租長陵田大旱衡山國河東雲中郡正義曰衡

州河東今蒲州民疫

孝景紀

後三年十月日月皆食赤五日十二月晦雷徐廣曰一

作圖字實日如紫五星逆行守太微月貫天庭中索隱

庭即龍星右角也按石氏星傳曰正月甲寅皇太子冠

甲子孝景皇帝崩皇甫謐曰帝以孝惠遺詔賜諸侯王

以下至民為父後爵一級天下戶百錢出宮人歸其家

復無所與太子即位是為孝武皇帝漢書云二月癸酉

日陽陵山方百二十步高三月封皇太后弟蚡蘇林曰

初嬪王氏生子信而寡更嫁長陵田氏生蚡及勝為

武安侯弟勝為周陽侯置陽陵

太史公曰漢興孝文施大德天下懷安至孝景不復憂

異姓而晁錯刻削諸侯遂使七國俱起合從而西鄉以

諸侯大盛而錯為之不以漸也及主父偃言之而諸侯以弱卒以安索隱曰主父偃上言今天子下推恩之令諸侯各得分邑其子弟於是遂弱卒以也安安危之機豈不以謀哉

索隱述贊曰 景帝即位 因脩靜默 制度斯創

勉人於農 率下以德 制度斯創

禮法可則 一朝吳楚 乍起凶慝

提局成豐 拒輪致惑 晁錯雖誅

梁城未克 條侯出將 追奔逐北

坐見島刺 立翦年賊 如何太尉

後卒下獄 惜哉明君 斯功不錄

孝景本紀第十一 史記十一

孝景紀

因孝紀開十二武帝年十二而決廷尉獄仿年之疑明帝年十二而辨陳留吏懸田之續其英明略同而武帝之事史策不着僅見於通典刑法雜議

孝武本紀第十二 史記十二

太史公自序曰作今上本紀又其迷事皆云今上今天子或有言孝武帝者悉後人所定也張晏曰武紀褚先生補作也褚先生名少孫漢博士也○索隱曰按褚先生補史記合集武帝事以編年今止取封禪書補之信其才之薄也又張晏云褚先生賴川人仕元成間常發云褚顯家傳褚少孫梁相褚大弟之孫宣帝時為博士寓居于沛事大儒王式故號為先生續太史公書阮季緒亦以為然

孝武皇帝者 漢書音義曰諱徹○正義孝景中子也 索隱曰謚法云克定禍亂曰武

曰按景十三王傳廣川王以上皆是武帝兄弟自河間王德以至廣川凡有八人則帝第九也 母曰王太后

孝景四年以皇子為膠東王 孝景七年栗太子廢

為臨江王 以膠東王為太子 孝景十六年崩太子即位

為孝武皇帝 張晏曰武帝以景帝元年生七歲為太子為太子十歲而景帝崩時年十有六年

孝武皇帝初即位尤敬鬼神之祀元年漢興已六十餘

歲矣徐廣曰六十七年歲在辛丑天下又安薦紳之屬索隱曰薦音

子封禪改正度也而上鄉儒術招賢良趙綰王臧等以

文學為公卿欲議古立明堂城南以朝諸侯索隱曰城南長安城

就會竇太后治黃老言不好儒術使人微得趙綰等姦

利事徐廣曰織召案綰臧自殺正義曰漢書孝武

崩其明年上徵文學之士公孫弘等明年上初至雍郊

見五時正義曰時音止括地志云漢五帝時在岐州雍

文公作郡時祭白帝秦宣公作密時祭青帝秦靈公作

五時吳陽上時下時祭赤帝黃帝漢高祖作比時祭黑帝是

也後常三歲一郊是時上求神君正義曰漢武帝故

子悼憫之歲中亦死而靈苑若祠之遂聞言苑若為生

民人多往請福說家人小事有驗平原君亦事之至後

子孫尊貴及上即位太后延於宮中祭之聞其言不見

其人至是神君求乃營柏梁臺舍之初霍去病微時

自禱神君及見其形自脩飾欲與去病交接去病不肯

謂神君曰吾以神君精潔故齋戒祈福今欲舍之上林

中曉氏觀徐廣曰曉音蹄索隱曰鄒神君者長陵女

子以子死悲哀故見神於先後宛若孟康曰產乳而死

宛若索隱曰鄒誕生音先後並去聲即今妯娌也宛

若祠之其室民多往祠平原君往祠徐廣曰武帝外祖

母也駟按蔡邕曰

漢武紀

創

通鑑十八少名者故深澤侯  
舍人注高祖功臣深澤侯  
趙將夕

異姓婦人，以恩澤封者曰君儀。比長公主，其後子孫以  
尊顯。及武帝即位，則厚禮置祠之內，中間其言不見其  
人。云是時而李少君亦以祠竈穀道，卻老方見上。李少君  
穀導引，或曰辟穀不食之道。○索隱曰：如淳云：祠竈可  
以致福，按禮竈者老婦之祭，盛於盆，尊於瓶，說文：周禮  
以竈祠祝融，淮南子：交帝作火官，死為今之竈神。司馬  
憲註：莊子云：浩竈神也。如美艾，衣赤，李弘範云：音浩。  
上尊之少君者，故深澤侯。徐廣曰：姓趙。入以主方，徐廣  
約於天子而主方，一云侯人主方。匿其年及所生長常  
自謂七十能使物卻老。如淳曰：物，鬼物也。其游以方，徧  
諸侯，無妻子，人聞其能使物及不死，更饋遺之，常餘金  
錢帛衣食，人皆以為不治產業而饒給，又不知其何所  
人愈信，爭事之。少君資好方，善為巧發奇中。如淳曰：時

漢武紀

所中嘗從武安侯飲。索隱曰：服虔云：田助也。坐中有年  
九十餘，老人少君乃言與其大父游射處，老人為兒時  
從其大父行，識其處，一坐盡驚。少君見上，上有故銅器  
問少君，少君曰：此器齊桓公十年陳於柞寢。服虔曰：地

贊曰：晏子書柞寢臺名也。○正義曰：括地志云：柞寢臺  
在青州千乘縣東北二十一里。韓子云：景公與晏子遊  
於少海，登柞寢之臺而望其國，公曰：美哉堂乎！後代孰  
將有此？晏子云：其田氏乎？公曰：寡人有國而田家奈何？  
對曰：奪之則近賢，遠不肖，治其煩亂，輕其刑罰，服窮乏，  
恤孤寡，行恩惠，崇節儉，雖十田氏其如堂何？即此也。

已而按其刻，果齊桓公器。一宮盡駭，以少君為神。數百  
歲人也。少君言於上曰：祠竈則致物，致物而丹砂可化，  
為黃金，黃金成以為飲食器，則益壽益壽，而海中蓬萊  
仙者可見，見之以封禪，則不死。黃帝是也。臣嘗游海上

為黃金，黃金成以為飲食器，則益壽益壽，而海中蓬萊  
仙者可見，見之以封禪，則不死。黃帝是也。臣嘗游海上

見安期生

索隱曰服虔云古之真人。正義曰列仙傳云安期生瑯琊阜鄉亭人也。賣藥海邊秦始

皇請語三夜賜金數千萬出於阜鄉亭皆置去留書以赤玉寫一重為報曰後千歲求我於蓬萊山下

食巨棗大如瓜安期生僊者通蓬萊中合則見人不合則

隱於是天子始親祠竈而遣方士入海上求蓬萊安期

生之屬而事化丹砂諸藥齊為黃金矣索隱曰齊音居

久之李少君病死正義曰漢書起居云李少君將去武

時從雲中云大一請少君帝謂左右將舍我去天子以

為化去不死也而使黃鍾章昭曰人姓名反史寬舒受其

方漢書音義曰二人皆方士求蓬萊安期生莫能得而

海上燕齊怪迂之方士多相效更言神事矣毫人薄誘

思徐廣曰一云毫人謬思也。索隱曰瑯山陽縣名姓謬名思居薄故下稱薄思此文則衍薄字而謬又誤

漢武紀

作誘也奏祠泰一方曰天神貴者泰一索隱曰按樂計微

天一太一宋均以為天一太一比極之別名春秋緯云紫極之別名又云紫宮天皇曜魄寶之所理也泰

一佐曰五帝正義曰五帝五天帝也國語云蒼帝靈威

黃帝含樞紐尚書帝命駿云蒼帝名靈威仲赤帝名文祖黃帝名神汗白帝名顯紀黑帝名玄矩佐者謂配祭

也古者天子以春秋祭泰一東南郊用大牢具七日廣

曰一云日一為壇開八通之鬼道於是天子令大祝立

其祠長安東南郊常奉祠如思方其後人有上書言古

者天子三年一用太牢具祠神三天一地一泰一天

子許之令太祝領祠之思泰一壇上如其方後人復有

上書言古者天子常以春秋解祠祠黃帝用一梟破鏡

孟康曰梟鳥名食母破鏡獸名食父黃帝欲絕其類使百物祠皆用之破鏡如龜而虎眼或云直用破鏡如傳

曰漢使東郡送臬五月五日為冥羊用羊祠服虔曰馬

行正義曰用一青牡馬泰山山君地長正義曰丁

神用牛武夷君正義曰用乾魚陰陽使者以一牛漢書

之神也陰陽令祠官領之如其方而祠於忌泰一壇旁其後

天子苑有白鹿以其皮為幣索隱曰按食貨志幣以白

得幣率鹿皮方尺直金一斤以發瑞應造白金焉正義

金三品武帝所鑄也如淳曰雜鑄銀鈎馬白金也平準

書云造銀錫為白金以為天用莫如龍地用莫如馬人

用莫如龍故曰白金三品其一曰重八兩圓之其文龍

名曰白選直三千二曰重差小方之其文馬直五百三

曰復小隨之其文龍直三百錢譜云白金第一其形圓

如錢肉好圓文為一龍白銀第二其形方小長肉好亦

漢武紀

其形似龜肉好小是文為龜甲也其明年郊雍獲一角

獸若鹿然常昭曰楚人謂麋為鹿索隱曰鹿步交反

角是也楚人謂麋為鹿又周書王會云鹿者若鹿爾雅

云麋大鹿也牛尾一角郭璞云漢武獲一角獸若鹿謂

是也正義曰漢書終軍傳云從上雍獲白麟於是薦五

云正義曰漢書終軍傳云從上雍獲白麟於是薦五

時時加一牛以燎正義曰賜諸侯白金以風符應合

于天地晉灼曰符瑞也於是濟北王以為天子

且封禪乃上書獻泰山及其旁邑天子受之更以他縣

償之常山王有臯遷天子封其弟於真定以續先王祀

而以常山為郡然後五嶽皆在天子之郡其明年齊人

少翁正義曰漢武故事云少翁以鬼神方見上上有所幸

王夫人徐廣曰齊懷王閔之母也駟按桓譚新論云武

正義曰漢書夫人卒少翁以方術蓋夜致王夫人及竈

作李夫人

通鑑卷之百一十五 漢紀五十五 漢武本紀第五十五 夫人

鬼之貌云天子自帷中望見焉於是乃拜少翁為文成將軍賞賜甚多以客禮待之少翁曰上即欲與神通宮室被服不象神神物不至乃作畫雲氣車及各以勝日漢書音義曰如火勝金用丙與丁日不用庚辛駕車辟惡鬼又作甘泉宮中為臺室畫天地泰一諸神而置祭具以致天神居歲餘其方益衰神不至乃為帛書以飯牛正義曰飯房晚反書伴弗知也言此牛腹中有奇殺而視之得書書言甚怪天子疑之有識其手書問之人果為書於是誅文成將軍正義曰漢武故事云文成誅月餘日使者籍貨關東還逢之於博亭還見言之上乃疑發其棺無所見唯有竹筒一枚而隱之其後則又作栢梁銅柱承露補驗間無蹤跡也仙人掌之屬矣蘇林曰仙人以手掌擎盤承甘露也○索隱曰服虔云用梁栢頭按今字皆作

漢武紀

栢二輔故事云臺高二十丈用香栢為殿梁香聞十里建章宮承露盤高三十丈文七圍以銅為之上有仙人掌承露和玉屑飲之故張衡賦曰文成死明年天子立脩壘之仙掌承雲表之清露是也

病鼎湖甚晉灼曰在湖縣韋昭曰地名近宜春○索隱曰湖縣名屬京兆後屬弘農昔黃帝採首陽山銅鑄鼎於湖曰鼎湖即今之湖巫醫無所不致至不愈游水發根服虔曰游水縣名發根人名姓晉灼曰地因水為姓或曰發掛根也乃言曰上郡有巫病而鬼下之上召置祠之甘泉及病使人問神君韋昭曰即神君言曰天子毋憂病病少愈強與我會甘泉於是病愈遂幸甘泉病良已孟康曰良已大赦天下置壽宮神君神君最貴者大夫其

唯曰謂雜  
草以飯牛



書作畫

漢書武帝紀元二年呼吉  
自古帝王未有年号始起於  
此云

等時去時來來則風肅然也居室帷中時晝言然常以  
 夜天子被然後入漢書音義曰崇黎因巫為主人關飲  
 食所欲者言行下李奇曰神所欲又置壽宮北宮正義  
 地志云壽宮北宮皆在雍州長安縣西北三十里長安故城中漢書云武帝壽宮以處神君張羽旗  
 設供具以禮神君神君所言上使人受書其言命之曰  
 書法漢書音義曰或云策書之法也其所語世俗之所  
 知也毋絕殊者而天子獨喜其事秘世莫知也其後三  
 年有司言元宜以矢瑞命不宜以一二數蘇林曰得黃龍鳳皇諸瑞  
 以名年正義曰孝景以前即位以一二數年一元曰  
 至其終武帝即位初有年號改元以建元為始一元曰  
 建元二元以長星曰元光三元以郊得一角獸曰元狩  
 云徐黃曰案諸紀元光後其明年冬天子郊雍議曰今

漢武紀

上帝朕親郊而后土毋祀則禮不答也有司與太史公  
 常昭曰說者以談為太史公失之矣史記稱遷為太史  
 公考是外孫揚博所稱索隱曰姚察按司馬遷傳亦  
 以談為太史公非博所加又按虞喜志林云古者主天  
 官皆上公自周至漢其職轉卑然朝會坐位猶居公上  
 尊天之道其官屬仍以舊名尊而稱公公名當起於此  
 故如博云太史公位在丞相上天下郡國計書先上太  
 史公副上丞相其義是也而桓譚新論以為太史公造  
 書書成示東方朔朔為平定因署其下太史公者皆東  
 方朔所加之也揚博此而稱耳祠官寬舒等議天地牲角爾栗今陛  
 下親祀后土后土宜於澤中園丘為五壇壇一黃犢大  
 牢具已祠盡瘞而從祠衣上黃於是天子遂東始立后  
 土祠汾陰睢上徐廣曰元鼎四年時也馴按蘇林曰睢  
 里廣二里餘高十餘丈汾陰縣在睢之上后土祠在縣  
 西汾在睢之北西流與河合也索隱曰漢書舊儀作  
 蔡上者蓋河東人如寬舒等議上親望拜如上帝禮禮

畢天子遂至滎陽而還過雒陽下詔曰三代邈絕遠矣  
難存其以三十里地封周後為周子南君以奉先王祀  
焉是歲天子始巡郡縣侵尋於泰山矣索隱曰侵尋即  
云遂往之意也小顏云浸淫漸染之義蓋尋遙聲相近  
假借用耳師古叔父游素亦解漢書故稱師古為小顏  
也  
其春樂成侯徐廣曰姓丁名義後與樂大俱誅也○  
索隱曰韋昭云河間縣按郊祀志樂成  
侯姓而徐廣據表云上書言樂大藥大膠東宮人服虔  
姓丁名義未詳耳  
故嘗與文成將軍同師已而為膠東王尚方而樂成  
侯姊為康王后孟康曰膠東王后也母子康王死他姬子立為王  
而康后有滂行與王不相中得相危以法康后聞文成  
已死而欲自媚於上乃遣藥大因樂成侯求見言方天  
子既誅文成後悔恨其早死惜其方不盡及見藥大大

漢武紀

說大為人長美言多方略而敢為大言處之不疑大言  
曰臣嘗往來海中見安期羨門之屬索隱曰韋昭云羨  
名子顧以為臣賤不信臣又以為康王諸侯耳不足子  
高方臣數言康王康王又不用臣臣之師曰黃金可成而  
河決可塞不死之藥可得僊人可致也臣恐效文成則  
方士皆掩口惡敢言方哉上曰文成食馬肝死耳子誠  
能脩其方我何愛乎大曰臣師亦有求人人者求之陸  
下必欲致之則貴其使者令有親屬以客禮待之勿卑  
使各佩其信印乃可使通言於神人神人尚肯邪不邪  
致尊其使然後可致也於是上使先驗小方關旗旗  
義

曰音其文本或作甚說文甚博甚也高誘註淮南子云  
取雞血與針磨擣之以和磁石用塗其頭曝乾之置高

上即相拒 自相觸擊是時上方憂河決而黃金不就正  
曰鍊冊砂盆錫乃拜大為五利將軍居月餘得四金印  
佩天士將軍地士將軍大通將軍天道將軍印制詔御  
史昔禹疏九江決四瀆間者河溢臯陸隄繇不息正義  
師古云臯水旁地也廣平曰陸言水大汎溢朕臨天下  
二十有八年天若遺朕士而大通焉常昭曰言樂大能  
在臨淮高平縣乾稱蜚龍鴻漸于般漢書音義曰般水  
帝云得樂大如鴻進於般一意庶幾與焉其以二千戶  
封地士將軍大為樂通侯常昭曰樂通賜列侯甲第漢  
音義曰有甲乙僅千人乘輿斥車馬漢書音義曰或云  
嘗在服御索隱曰孟康云斥不用之車馬是也帷帳器物以充其家又以衛

漢武紀

長公主妻之

孟康曰衛太子妹如淳曰衛太子姪也蔡

長公主儀比諸侯王齊金萬斤更名其邑曰當

利公主地理志云東天子親如五利之第使者存問所

給連屬於道自太主徐廣曰武帝姑也將相以下

皆置酒其家獻遺之於是天子又刻玉印曰天道將軍

使使衣羽衣夜立白茅上五利將軍亦衣羽衣立白茅

上受印以示弗臣也而佩天道者且為天子道天神也

於是五利常夜祠其家欲以下神神未至而百鬼集矣

然頗能使之其後治裝行東入海求其師云大見數月

佩六印貴振天下而海上燕齊之間莫不搃挽服虔曰

執持也而自言有禁方能神僊矣其夏六月中汾陰

胡曰五利天子世士大通人道  
上將軍併樂通侯為六印

巫錦應劭曰為民祠魏胜后土營旁應劭曰魏故魏國

見地如鉤狀索隱曰說文指鼎大異於眾鼎

文鏤無欵識索隱曰識猶表識怪之言更更告河東太

守勝勝以聞天子使使驗問巫錦得鼎無姦詐乃以禮

祠迎鼎至甘泉從行上薦之如淳曰以鼎從行上至中

山徐廣曰河渠書鑿涇水自中山西○索隱曰此山在

使水工鄭國說秦鑿涇馮翊谷口縣西近九畎山土人呼為中山河渠書韓

水自中山山西即此山也晏温如淳曰三輔謂日出清濟

許慎許淮南云晏無雲也有黃雲蓋焉有鹿過上自射之因以祭云

至長安徐黃曰上言從行公卿大夫皆議請尊寶鼎天

子曰問者河溢歲數不登故巡祭后土祈為百姓育穀

今年豐庶未有報鼎曷為出哉有司皆曰聞昔大帝與

漢武紀

神鼎一索隱曰師古以太帝即太昊伏一者一統天地

萬物所繫終也黃帝作寶鼎三象天地人也禹收九牧

之金鑄九鼎皆嘗鵠烹徐廣曰烹煮也鵠音觶皆嘗以

鼎以烹牲而饗嘗也觶字又作觶音觶漢書郊祀志云

鼎空足曰鬲以象三德鬲音歷謂足中不實者名之也

上帝鬼神服虔曰以祭祀上遭聖則興正義曰遭逢也

聖興起故出份遷于夏商周德衰宋之社立正義曰社

以石為之宋社即亳社也周武王伐紂乃立亳社以為

監戒覆上幾下使通天地陰陽之氣周禮衰國將危民

故宋之社為鼎乃淪伏而不見頌云自堂徂基正義曰

至胡考之休是周頌絳衣之詩自堂從內往外基門內

壑也鄭玄云門則之堂謂之壑釋禮輕使士升堂視壺

濯及籩豆之屬降往於壑自羊祖自羊祖牛正義曰自

牛充包乃舉鼎告梁禮之次也自羊祖自羊祖牛正義曰自

羊後及牛也毛鼎鼎及羸謂之羸國奄上謂之羸不

真不驚胡考之休

索隱曰毛詩傳云吳諱也姚氏按何承天云此虞當為吳音洪霸反說文

以吳一口大言也此作虞者與吳聲相近今鼎至甘泉

光潤龍變承休無疆合茲中山有黃白雲降

韋昭曰與中山所見

黃雲之蓋若獸為符曰蓋辭也或曰符謂瑞應也路

弓乘失

韋昭曰路大也四矢為乘集獲壇下報祠大饗

惟受命而帝者心知其意

服虔曰高祖受命知也宜見鼎於其廟而合德

焉鼎宜見於祖禰藏於帝廷以合明應制曰可入海求

蓬萊者

正義曰蓬萊方丈瀛洲勃海中三神山也

殆不見其氣上乃遣望氣佐候其氣云其秋上幸雍且

郊

索隱曰以雍地形高故云上或曰五帝泰一之佐也宜立泰一而

上親郊之上疑未定齊人公孫卿曰今年得寶鼎其冬

漢武紀

辛巳朔旦冬至與黃帝時等卿有札書曰黃帝得寶鼎

宛侯問於鬼史區

漢書音義曰區黃帝時人○索隱曰鄭玄云黃帝佐也李奇曰黃帝時諸

侯本作申區者非藝文志作鬼容區也區對曰黃帝得寶鼎神笑是歲已

酉朔旦冬至得天之紀終而復始於是黃帝迎日推策

後率二十歲

正義曰率音律又音類又所得朔旦冬至律反三音並通後皆放此也

凡二十推三百八十年黃帝僊登于天卿因所忠欲奏

之所忠視其書不經疑其妄書謝曰寶鼎事已決矣尚

何以為卿因嬖人奏之上大說召問卿對曰受此書申

功

封禪書功字作公申功已死上曰申功何人也卿曰申功齊

人也與安期生通受黃帝言無書獨有此鼎書曰漢興

復當黃帝之時漢之聖者在高祖之孫且曾孫也寶鼎

出而與神通封禪封禪七十二王正義曰河圖云王者

登崇有七十七君也唯黃帝得上泰山封申功曰漢主亦當上封

上封則能僊登天矣黃帝時萬諸侯而神靈之封居七

千應劭曰黃帝時諸侯會封禪者七千人李奇曰說仙

道得封者七千國張晏曰神靈之封謂山川之守

天下名山八而三在蠻夷五在中國中國華山首山太

室泰山東萊此五山黃帝之所常遊與神會黃帝且戰

且學僊患百姓非其道乃斷斬泚鬼神者自餘歲然後

得與神通黃帝郊雍上帝宿三月鬼吏區號大鴻死葬

雍故鴻冢是也蘇林曰今雍有鴻冢其後黃帝接萬靈明廷明廷

者甘泉也所謂寒門者谷口也徐廣曰寒一作塞漢書音義曰黃帝仙於寒門

漢武紀

稟然故黃帝採首山銅鑄鼎於荆山下晉灼曰地理志

曰寒門荆山在馮鼎既成有龍垂胡顛下迎黃帝索隱曰顛

謂領下垂肉也顛其毛也故童黃帝上騎群臣後宮從

上龍七十餘人龍乃上去餘小臣不得上乃悉持龍顛

龍顛拔墮正義曰徒果反黃帝之弓百姓仰望黃帝既上天乃

抱其弓與龍胡顛號正義曰高反下同故後世因名其處曰鼎

湖正義曰括地志云湖水原出魏州湖城縣其弓曰烏

號於是天子曰嗟乎吾誠得如皇帝吾視去妻子如脫

躡耳乃拜卿為郎東使侯神於太室上遂郊雍至隴西

西登空桐正義曰空桐山在幸甘泉令祠官寬舒等

躡耳

具泰一祠壇壇放薄忠泰一壇壇三垓徐廣曰垓次也

設

重也。三重壇也。○索隱曰：鄒氏云：堦一作階，言壇階三重。五帝壇環居其下，各如其方。皇帝西南，除八通鬼道。服虔曰：坤位在未，黃帝從土位。泰一所用如雍，一時物而加醴棗脯之屬，殺一犛牛以為俎豆。牢具而五帝獨有俎豆。索隱曰：無犛，牛醴之屬。醴進。索隱曰：師古云：具，所以加禮也。其下四方地為饌食。索隱曰：饌音竹，丙反，謂聯續而祭之。漢志作鞞，古字亦通。說文曰：綴，祭酌也。○正義曰：劉伯莊云：謂繞壇說諸神祭座相連綴也。○正羣神從者及北斗云：已祠，餘皆燎之。其牛色白，鹿居其中。彘在鹿中，水而洎之。徐廣曰：洎，君器反，肉汁也。駟按：晉曰：劉伯莊云：以大羹和祭食，燎之。按：祭日以牛，祭月以羊，彘特。索隱曰：特，一牲也。言若若彘，止一特也。泰一祝宰則衣紫及繡。五帝各如其色：日赤，月白，十一月辛巳朔旦冬至，昧爽。

漢武紀

昭下如

天子始郊，拜泰一朝，朝日夕夕月。應劭曰：天子春朝日，秋夕月，拜日東門之外。朝日以朝，夕月以夕。瓚曰：漢儀郊泰一時，皇帝平旦出，竹宮東向，揖日，其夕西向，揖月，便用郊日不用春秋也。則揖而見泰一如雍禮。其贊饗曰：天始以寶鼎神災授皇帝，朔而又朔，終而復始。皇帝敬拜見焉，而衣上黃。其祠列火蒲壇旁，壇旁烹炊，具有司云：祠上有光焉。公卿言：皇帝始郊見泰一雲陽。正義曰：括地志云：漢雲陽一里有通天臺，即黃帝以來祭天園。有司奉瑄玉。孟康曰：璧大六寸，謂之瑄。○嘉牲薦饗。正義曰：漢書儀云：祭天是夜有美光及晝黃氣上屬天。太史公祠官寬舒等曰：神靈之休祐福兆祥，宜因此地光域。徐廣曰：地一作夜。立泰時壇以明應，令大祝領祀及臘間祠三歲。天子一郊見其秋。

呼曰贊饗謂祝詞也

為伐南越告禱泰一以牡徐廣曰一作牡荆畫幡如淳曰荆之無子者皆以

繫齊之道也晉灼曰牡荆節間不相當者幸昭曰以牡荆為節者也日月北斗登龍以象

天一三星為泰一鋒徐廣曰天官書曰天極星明者泰一常居也斗口三星曰天一期按

晉灼曰畫一星在後二星在前為太一鋒也名曰靈旗正義曰李奇云畫旗樹泰一壇上名靈旗

畫日月北為兵禱正義曰為則太史奉以指所伐國正義曰常昭云牡剛也荆強按用牡荆指伐國取其剛為稱故畫北旗指之

敢入海之泰山祠上使人微隨驗實無所見五利妄言

見其師其方盡多不讎上乃誅五利正義曰漢武故事云東方朔言樂大

無狀上發怒乃斬之其冬公孫卿候神河南見僊人跡緱氏城上

有物若雉往來城上天子親幸緱氏城視跡問卿得無

效文成五利乎卿曰僊者亦有求人主人主求之其道

漢武紀

名本  
言本

賽  
漢郊祀志注塞手賽通

琴本

非少寬假神不來言神事事如迂誕正義曰迂音于誕音但迂遠也誕大

也積以歲乃可致於是郡國各除道繕治宮觀名山神

祠所以望幸矣其年既滅南越上有嬖臣李延年以好

音見上善之下公卿議曰民間祠尚有鼓舞之樂今郊

祠而無樂豈稱乎公卿曰古者祀天地皆有樂而神祇

可得而禮或曰泰帝使素女索隱曰亦謂大婢○正義曰泰帝謂太昊伏羲氏

鼓五十弦瑟悲帝禁不止故破其瑟為二十五弦於是

塞南越禱祠泰一后土始用樂舞益召歌兒作二十五

弦徐廣曰應劭云武帝令及篳篥瑟自此起樂人侯調始造篳篥其

來年冬上議曰古者先振兵澤旅徐廣曰古然後封禪

乃遂北巡朔方勒兵十餘萬還祭黃帝冢橋山澤兵須



如李奇曰地名也上曰吾聞黃帝不死今有冢何也或對曰黃

帝已僊上天群臣葬其衣冠既至甘泉為且正義曰為于偽反將

禪也用事泰山正義曰道書福地記云泰山高禪也四千九百丈二尺周回二千里先類祠

泰一自得寶鼎上與公卿諸生議封禪正義曰白虎通云王者易姓而

起天下太平功成封禪以告太平禪梁父之趾廣厚也刻石紀號著已之功績天以高為尊地以厚為德故增

泰山之高以放天禪梁父之趾以報地封禪用希曠絕

莫知其儀禮而羣儒采封禪尚書周官王制之望祀射

牛事蘇林曰當祭廟射其牲以除不祥瑋曰射牛示親殺也○索隱曰天子射牛亦親殺也事見國語

齊人丁公年九十餘曰封者合不死之名也秦皇帝不

得上封陛下必欲上稍上即無風雨遂上封矣上於是

乃令諸儒習射牛草封禪儀索隱曰見應劭漢官儀也數年至且行

漢武紀

天子既聞公孫卿及方士之言黃帝以上封禪皆致怪

物與神通欲放黃帝以嘗接神僊人蓬萊士高世比德

於九皇張晏曰三皇之前有人皇九首而頗采儒術以

文之羣儒既以不能辨明封禪事又牽拘於詩書古文

而不敢騁上為封祠器示群儒羣儒或曰不與古同徐

偃又曰太常諸生行禮不如魯善周霸屬圖封事日慶

會也會諸儒圖封事於是上絀偃霸盡罷諸儒弗用三月遂東幸

緱氏禮登中嶽穎曰崧高山也太室韋昭曰崧高山

山山有石室故以名之從官在山下聞若有言萬歲云正義曰漢

稱萬歲可十萬人聲問上上不言問下下不言於是以前三百戶封

太室奉祠命曰崇高邑正義曰顏師古云以崇奉嵩高山故謂之崇高也東上

泰山山之草木葉未生乃令人上石立之泰山顛上遂  
東巡海上行禮祠八神文兼曰武帝登太山祭太一并  
祭名山於泰壇西南開除八通  
鬼道故言八神也一曰八方之神○索隱曰常昭云八  
神謂天地陰陽日月星辰主四時之屬今按郊祀志一  
曰天主祠天齊二曰地主祠泰山梁父三曰兵主祠蚩  
尤四曰陰主祠三山五曰陽主祠之罘六曰月主祠之  
萊山七曰日主祠盛山齊人之上疏言神怪奇方者以  
八曰四時主祠瑯琊  
萬數然無驗者乃益發船令言海中神山者數千人求  
蓬萊神人公孫卿持節常先行候名山至東萊言夜見  
一人長數丈就之則不見見其跡甚大類禽獸云群臣  
有言見一老父牽狗言吾欲見巨公漢書音義曰已忽  
巨公謂武帝  
不見上既見大跡未信及群臣有言老父則大以為僊  
人也宿留海上與方士傳車及間使求僊人以千數四

漢武紀

月還至奉高上念諸儒及方士言封禪人人殊不經難  
施行天子至梁父禮祠地主乙卯令侍中儒者皮弁緡  
紳射牛行事封泰山下東方如郊祠泰一之禮封廣丈  
二尺高九尺其下則有玉牒書書秘禮畢天子獨與侍  
中奉車子侯漢書百官表曰奉車都尉掌乘輿車武  
帝初置常昭曰子侯霍去病之子也上  
泰山亦有封其事皆禁明日下陰道丙辰禪泰山下陞  
東北肅然山如祭后土禮天子皆親拜見衣上黃而盡  
用樂焉江淮間一茅三脊孟康曰所  
謂靈茅也為神藉五色土益  
雜封縱遠方奇獸蜚禽及白雉諸物頗以加祠兕旄牛  
犀象之屬弗用皆至泰山然後去封禪祠其夜若有光  
晝有白雲起封中天子從封禪還坐明堂漢書音義曰  
天子初封泰

賜

山山東北也古時有明堂殿則羣臣更上壽於是制詔  
 御史朕以眇眇之身承至尊兢兢焉懼弗任維德菲薄  
 不明于禮樂脩祀泰一若有象景光胥如有望呼萬歲  
 者依依震於怪物欲止不敢遂登封泰山至於梁父而  
 后禪肅然服虔曰肅然山名在梁父自新嘉與士大夫更始賜民百  
 戶牛一酒十石加年八十孤寡布帛二匹復博奉高蛇  
 丘鄭玄曰歷城母出今年租稅其赦天下如乙卯赦令  
 行所過毋有復作事在二年前皆勿聽治又下詔曰古  
 者天子五載一巡狩用事泰山諸侯有朝宿地其令諸  
 侯各治邸泰山下正義曰諸侯各於泰山朝宿地起天  
 子既已封禪泰山既無風雨苗而方士更言蓬萊諸神

漢武紀

甄一平瓜

山若將可得於是上欣然庶幾遇之乃復東至海上望  
 冀遇蓬萊焉奉車子侯暴病一日死上乃遂去並海上  
 北至碣石巡自遼西歷北邊至九原五月返至甘泉音義曰周萬八千里也有司言寶鼎出為元鼎以今年為元封元  
 年其秋有星弗于東井韋昭曰秦分野也後衛太子兵亂後十餘  
 日有星弗于三能公後連坐誅之望氣王朔言侯獨見  
 其星出如瓠索隱曰郊祀志填星出如朝故顏師古以  
 星歲星也歲星所食頃復入焉有司言曰陛下建漢家  
 封禪天其報德星云其來年冬郊雍五帝還拜祝祠泰  
 一贊饗曰德星昭衍厥維休祥壽星仍出索隱曰壽星  
 也見則天下理淵耀光明信星昭見索隱曰信星鎮星  
 安故言之也

史十一

星漢志皇帝敬拜泰徐廣曰一況之饗其春公孫卿言

見神人東萊山若云見天子天子於是幸緱氏城拜卿

為中大夫遂至東萊宿留之索隱曰音秀溜宿留遲待

采芝藥以千數是歲旱於是天子既出母名乃禱萬里

沙應劭曰萬里沙神祠也在東萊過祠泰山鄧展曰泰

還至瓠子瓠子隄名蘇林曰在

自臨塞決河索隱曰按沈白馬祭河決

使二卿將卒塞決河河徙二渠復禹之故跡焉是時既

滅南越越人勇之地韋昭曰越乃言越人俗信鬼而其祠

漢武紀

漢武紀

明日越俗用雞卜

皆見鬼數有效昔東甌王敬鬼壽至百六十歲後世設

怠故衰耗乃令越巫立越祝祠安臺無壇亦祠天神上

帝百鬼而以雞卜漢書音義曰持雞用卜如鼠卜○正

之越祠雞卜始用焉公孫卿曰僊人可見而上往常還

以故不見今陛下可為觀如緱氏城常昭曰如置脯棗

神人宜可致且僊人好樓居於是上令長安則作蜚廉

桂觀應劭曰飛廉神禽能致風氣晉灼曰身甘泉則作

益延壽觀使卿持節設具而候神人乃作通天臺廣

其下將招來神僊之屬於是甘泉更置前殿始廣諸宮

舊儀臺高五十丈去長安二百里望見長安城

祝

自東

從

祝

或作通天

室索隱曰：兆氏按揚雄云：甘泉本因秦離宮，既奢泰，武帝復增通天、高光、迎風、宮外近則有洪崖、旁皇、諸賢、督、陞、遠，則石開封、靈枝、諸露、寒、棠、梨、師、得、遊、觀、巫、奇、瑰、備、又有高華、温、德、法、相、會、成、宮、白、虎、走、狗、天、梯、瑤、臺、仙、人、督、思、觀、也。夏有芝生殿防內中。徐廣曰：元封二年也。○索隱曰：按生芝九莖作芝房。天子為塞河興通天臺，若有光云。李奇曰：為此作歌。曰：作通乃下詔曰：甘泉防生芝九莖。應劭曰：芝，芝草也。天臺也。乃下詔曰：甘泉防生芝九莖。其葉相連如薄曰：瑞應圖云：王者敬事蒼老不失舊故，則芝草生。赦天下，毋有復作。其明年伐朝鮮。夏旱，公孫卿曰：黃帝時封，則天旱乾封。正義曰：乾音旱，欲使封土乾燥也。顏師古云：三歲不雨，暴所封之土，令乾。鄭氏云：但祭不立尸為乾封。三年上乃下詔曰：天旱意乾封乎？蘇林曰：天旱欲使封土乾燥。其令天下尊祠靈星焉。正義曰：靈星即龍星也。張晏云：龍星左角曰天田，則農祥也。見而祭之。其明年上郊雍，通回中道，巡之。徐廣曰：在春至鳴澤。

漢武紀

服虔曰：鳴澤澤名也。從西河歸，其明年冬上巡南郡。徐廣曰：南郡在涿郡，道縣北界。五年，封至江陵而東，登禮潛之天柱山，號曰南嶽。應劭曰：潛，江有縱。縣屬廬江，南嶽霍山也。文穎曰：天柱山在潛縣南，有祠。浮江自尋陽出，縱陽。地理志：廬江有縱。過彭蠡，祀其名山，川北至瑯邪，並海上。四月中，至奉高，脩封焉。初，天子封泰山，泰山東北陞，古時有明堂，處險不敞。上欲治明堂，奉高旁未曉其制度。濟南人公玉帶上黃帝時明堂圖。索隱曰：玉或音肅，公玉姓王。臣有公玉丹，其後也。音語錄反。三韓決錄云：杜陵有玉氏，音肅。說文以為從玉音，畜牧之畜。今讀公玉與決錄音同。然二姓單復有異，單姓者音肅。後漢司徒王祝是其後也。明堂圖中有一殿，四面無壁，以茅蓋，通水，圜宮垣為複道，上有樓，從西南入命曰昆侖。索隱曰：玉帶明堂圖中為複道，有樓從西南入，名其道曰崑崙。崑崙言其似崑崙山之五城十

濟南

二樓故也天子從之入以拜祠上帝焉於是上令奉高作  
 明堂汶上徐廣曰在元封二年秋如帶圖及五年脩封則祠泰一  
 五帝於明堂上坐令高皇帝祠坐對之祠后土於下房  
 以二十太牢天子從崑崙道入始拜明堂如郊禮禮畢  
 燎堂下而上又上泰山有祕祠其顛而泰山下祠五帝  
 各如其方黃帝并赤帝而有司侍祠焉泰山上舉火下  
 悉應之其後二歲十一月甲子朔旦冬至推歷者以本  
 統天子親至泰山以十一月甲子朔旦冬至日祠上帝  
 明堂徐廣曰常五年一脩今適二年故但祀明堂每脩封禪其贊饗曰天增  
 授皇帝泰元神筮索隱曰按贊饗之辭言天授皇帝泰神筮則泰元者古昔上皇創曆之號故此云大元神筮周而復始也周而復始皇帝敬拜

漢武紀

高

泰一東至海上考入海及方士求神者莫驗然益遣糞  
 遇之十一月乙酉徐廣曰十二日栢梁裁十二月甲午朔上  
 親禪高里伏儼曰山名在泰山下祠后土臨渤海將以望祠蓬萊  
 之屬糞至殊庭焉漢書音義曰蓬萊庭○索隱曰糞漢書作幾字幾近也糞望也並通服虔  
日蓬萊中仙人殊庭者異也言入仙人異境也上還以栢梁裁故朝受計甘泉  
正義曰顏淵云栢梁被燒故受計獻之物於甘泉也顏師古云受郡國計簿也公孫卿曰黃帝  
 就青靈臺十二日燒徐廣曰一作月黃帝乃治明庭明庭甘  
 泉也方士多言古帝王有都甘泉者其後天子又朝諸  
 侯甘泉甘泉作諸侯邸勇之乃曰越俗有火裁復起屋  
 必以大用勝服之於是作建章宮正義曰括地志曰建章宮在雍州長安縣西度為千門萬戶前殿度高未央其東則鳳

闕高二十餘丈索隱曰三輔黃圖云武帝營建章起鳳

言別四方之風西京賦曰闕闔之內別風離曉是也三輔故事云北有闕闔高二十丈上有銅鳳凰故曰鳳闔

也其西則唐中數十里虎圈索隱曰如淳云詩云中堂有壁鄭玄云唐堂庭也爾雅以廟中路謂之唐西京賦曰前開唐中彌望曠是也

○正義曰闕其遠又括地志云虎圈天在長安城中西偏

也其北治大池漸臺正義曰顏師古云漸浸也臺在池

也高二十餘丈名曰泰液正義曰臣瓚云泰液言池中

有蓬萊方丈瀛洲壺梁象海中神山龜魚之屬索隱曰

事云殿北海池北岸有石魚長二丈廣五尺西岸有石龜二枚各長六尺其南有玉堂壁門

大鳥之屬索隱曰漢武故事玉堂基與乃立神明臺索

曰漢宮闕疏云臺高五十丈上有九室常置九天道士百人井幹樓度五十餘丈輦

道相屬焉索隱曰關中記宮北有井幹臺高五十丈積木為樓言築累萬木轉相交架如井幹司馬

武漢紀

應註莊子云井幹井欄也又崔譔云井以四邊為幹猶築牆之有榑幹又諸本多作幹一本作榑音說文云榑

井夏漢改曆以正月為歲首而色上黃官名徐廣曰一

更印章以五字張晏曰漢據土德土數五故用五為印

相印文不足五字者以之足也因為太初元年是歲西伐大宛蝗大起

丁夫人韋昭曰丁姓雒陽虞初等以方祠詛匈奴大宛

焉其明年有司言雍五時無牢熟具芬芳不備乃命祠

官進時犢牢具五色食所勝孟康曰若火乘金而以木

耦馬代駒焉索隱曰一音耦孟康云寓寄龍形於木又

寓龍馬形於木也獨五帝用駒行親郊用駒及諸名山川用駒

者悉以木耦馬代行過乃用駒他禮如故其明年東巡海上考神僊之屬未有驗者方士有言黃帝時為五城

十二樓應劭曰崑崙縣圍五城十以候神人於執期漢書

音義曰執期地名也命曰迎年正義曰顏師古云迎年若言祈年上許作之如方

明年上親禮祠上帝衣上黃焉公玉帶曰黃帝時雖封

泰山然風后封鉅應劭曰封鉅伯正義曰張揖云鉅伯黃帝太醫

帝封東泰山禪凡山合符然後不死焉徐廣曰在琅邪朱虛縣文水所

出凡山亦在朱虛天子既令設祠具至東泰山東泰山卑小不

稱其聲乃令祠官禮之而不封禪焉其後令帶奉祠候

神物夏遂還泰山脩五年之禮如前而加禪祠石閭石

閭者在泰山下陞南方方士多言此僊人之間也故上

親禪焉其後五年復至泰山脩封徐廣曰天漢二年李陵以天漢二年敗也

還過祭常山今天子所興祠泰一后土三年親郊祠建

漢武紀

漢家封禪五年一脩封薄忠泰一及三一冥羊馬行赤

星五寬舒之祠官李奇曰祀名也○索隱曰赤星即上靈星祠靈星龍左角赤故曰赤星五

者太一也三一也冥羊也馬行也赤星也凡五並令祠官寬舒領之以歲時致禮凡六祠

索隱曰五者之外有正太一后土祠故云六也皆大祝領之至如八神諸神明

年凡山他名祠行過則祀去則已方士所興祠各自主

其人終則已祠官弗主他祠皆如其故今上封禪其後

十二歲而還徧於五嶽四瀆矣而方士之候祠神人入

海求蓬萊終無有驗而公孫卿之候神者猶以大人跡

為解無其效天子益怠厭方士之怪迂語矣然終羈縻

弗絕冥遇其真自此之後方士言祠神者彌眾然其效

可睹矣徐廣曰猶今人云其事已可知矣皆不信之耳又數本皆無可字

命曰李

登



太史公曰余從巡祭天地諸神名山川而封禪焉入壽宮侍祠神語究觀方士祠官之言於是退而論次自古以來用事於鬼神者具見其表裏後有君子得以覽焉至若俎豆珪幣之詳獻酬之禮則有司存焉索隱述贊曰

孝武纂極

四海承平

志尚奢麗

尤敬神明

壇開八道

接通五城

朝親五利

夕拜文成

祭非祀典

巡垂卜征

登嵩勒岱

望景傳聲

迎年祀日

改曆定正

疲耗中土

事彼邊兵

日不暇給

人無聊生

漢武紀

俯觀羸政

幾欲齊衡

孝武本紀第十二

史記十二




竹園集

卷之六

竹園集卷之六

竹園集卷之六



110X  
557  
34